

შპს „საქართველოს გაზის ტრანსპორტირების კომპანია“



დაფინანსების წყარო
საკუთარი შემოსავლები

აუდიტორული მომსახურების შესყიდვა
(CPV კოდი 79212100)

გამარტივებული ელექტრონული ტენდერის
სატენდერო დოკუმენტაცია

თბილისი
2016 წ.

სარჩევი

1. ინსტრუქცია „ელექტრონულ ტენდერში“ მონაწილეთათვის;
2. ტექნიკური დოკუმენტაცია;
3. ერთიან ელექტრონულ სისტემაში წარსადგენი დოკუმენტაციის ჩამონათვალი;
4. სახელმწიფო შესყიდვების შესახებ ხელშეკრულების პროექტი;
5. დანართი #1, ინფორმაცია გამოცდილების შესახებ.

ინსტრუქცია „გამარტივებულ ელექტრონულ ტენდერში“ მონაწილეთათვის

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია ვებ-გვერდზე: www.procurement.gov.ge;
2. სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მოცემულია ვებ-გვერდზე: www.procurement.gov.ge.

1. ტექნიკური დოკუმენტაცია

1.1. შესყიდვის ობიექტია შპს „საქართველოს გაზის ტრანსპორტირების კომპანიის“ 2016 წლის ფინანსური ანგარიშგების აუდიტორული მომსახურების შესყიდვა.

1.2. შემოთავაზებული წინადადება უნდა შეიცავდეს:

- წლიურ ფინანსური ანგარიშგების აუდიტს IFRS სტანდარტების შესაბამისად;
- „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის მოთხოვნებით აუდიტორის სხვა მოვალეობებს (მათ შორის, მმართველობით ანგარიშს და სხვა საქმიანობას), რაც უნდა შედიოდეს წლიური აუდიტის ფასში და არ იქნება ანაზღაურებული ცალკე;

1.3. აუდიტის ანგარიშის პირველადი ვერსიის წარდგენის ვადაა არაუგვიანეს 2017 წლის 20 მარტი, ხოლო აუდიტის ანგარიშის საბოლოო ვერსიის წარდგენის ვადაა არაუგვიანეს 2017 წლის 25 მარტი;

1.4. აუდიტის ვადების გრაფიკი უნდა იქნას გაგზავნილი კომპანიასთან აუდიტის დაწყებამდე მინიმუმ 2 კვირით ადრე;

1.5. აუდიტის ანგარიში შემსყიდველს უნდა წარედგინოს ორ ენაზე: ქართული და ინგლისური;

1.6. აუდიტორული დასკვა მიმწოდებელმა შემსყიდველს უნდა ჩააბაროს შემდეგ მისამართზე: ქ. თბილისი, კახეთის გზატკეცილი #21, მე-6 სართული.

1.7. სავალდებულოა, შესყიდვაში მონაწილეობის მსურველ პირს გააჩნდეს საქართველოში 2015 წლის განმავლობაში არანაკლებ 2.5 მლნ ლარის შემოსავალი ფინანსური ანგარიშგების აუდიტიდან და სხვა მარწმუნებელი მომსახურებიდან (გადამოწმება მოხდება შემდეგი ვებ გვერდის მიხედვით <http://www.gfpaa.ge/site/files/news/WORD,%20PDF%20failebi/Statistika%202015+Mir.Fin.martva.pdf>).

1.8. სავალდებულოა შესყიდვაში მონაწილეობის მსურველ პირს გააჩნდეს ენერგეტიკის სექტორში - კერძოდ ბუნებრივი გაზის ოპერაციებთან დაკავშირებულ საწარმოებში 2013-2015 წლების განმავლობაში ფინანსური აუდიტის გაწევის გამოცდილება.

1.9. პრეტენდენტის მიერ წარმოდგენილი უნდა იყოს ინფორმაცია იმ თანამშრომლების შესახებ, რომელიც უშუალოდ იმუშავებენ აუდიტზე, მათ შორის კომპანიის აუდიტისათვის პარტნიორი, მენეჯერი, უფროსი აუდიტორი (Senior) და მინიმუმ ორი სხვა თანამშრომელი. წარმოდგენილი უნდა იქნას მათი CV-ები და მათი ცვლილების შემთხვევაში ჩანაცვლება უნდა მოხდეს წინასწარ შეთანხმებით შემსყიდველთან, მსგავსი კვალიფიკაციის და გამოცდილების თანამშრომლით. იმ თანამშრომლებს, რომლებიც უშუალოდ განახორციელებენ მომსახურებას პარტნიორის, მენეჯერის და უფროსი აუდიტორის (Senior) რანგში, უნდა გააჩნდეთ შემდეგი სერტიფიკატებიდან ერთ-ერთი:

- აშშ-ის სერტიფიცირებული დამოუკიდებელი ბუღალტრის აქტიური სტატუსის მქონე ლიცენზია (United Stated Certified Public Accountant); - (გადამოწმება მოხდება www.cpaverify.com -ის მეშვეობით);

- ინგლისისა და უელსის ნაფიც ბუღალტერთა ინსტიტუტის (Institute of Chartered Accountants in England and Wales) სრული წევრი; - (გადამოწმება მოხდება <http://membersearch.icaew.com>-ის მეშვეობით);

- სერტიფიცირებულ ნაფიც ბუღალტერთა ასოციაციის (Association of Chartered Certified Accountants) სრული წევრი (ინგლისური სექტორი); - (გადამოწმება მოხდება <http://members.accaglobal.com/en/find-an-accountant/directory-ofmember.html>-ის მეშვეობით).

1.10. პრეტენდენტს არა აქვს უფლება წარმოადგინოს ალტერნატიული წინადადება.

1.11. სატენდერო წინადადების ერთეულის ფასის და საერთო ღირებულების წარმოდგენა დასაშვებია მხოლოდ საქართველოს ეროვნულ ვალუტაში (ლარი).

1.12. სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის (გარდა დღგ-სა) გათვალისწინებით.

1.13. შემსყიდველი ორგანიზაციის მიერ ხელშეკრულების ღირებულებაში გათვალისწინებული იქნება წინადადების ფასის დღგ-ს შესაბამისი ოდენობა, თუ ხელშეკრულების დადების

მომენტისათვის პრეტენდენტი არის დღე-ს გადამხდელი საქართველოს კანონმდებლობის შესაბამისად.

1.14. ანგარიშსწორება მოხდება უნაღდო ანგარიშსწორებით ლარში.

1.15. ანგარიშსწორება მოხდება სათანადო აუდიტორული დასკვნის შემსყიდველისთვის გადაცემიდან, მხარეთა მიერ გაწეული მომსახურების შესახებ მიღება-ჩაბარების აქტის გაფორმებიდან და შესაბამისი საგადახდო დოკუმენტაციის წარდგენიდან 10 (ათი) სამუშაო დღის ვადაში.

1.16. წინასწარი ანგარიშსწორება (ავანსი) არ გამოიყენება.

1.17. აღნიშნულ ტენდერში არ გამოიყენება ფასწარმოქმნის ადეკვატურობის დასაბუთება, ვინაიდან აღნიშნული ტენდერით განსაზღვრული მომსახურება არის ინტელექტუალური მომსახურება, რომლის შეფასების კრიტერიუმებისა და ფასწარმოქმნის დასაბუთების სტანდარტის დადგენა შეუძლებელია („გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-9 მუხლის 1¹ პუნქტი).

1.18. „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-2 მუხლის პირველი პუნქტის „კ“ ქვეპუნქტით განსაზღვრული სტატუსის მინიჭებიდან ამავე მუხლის „მ“ ქვეპუნქტით გათვალისწინებული სტატუსის მინიჭებამდე, არაუგვიანეს 24 საათისა, ნებისმიერ მიმწოდებელს უფლება აქვს, სისტემის მოდულის-„კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება.

1.19. შემსყიდველი ორგანიზაცია წესის მე-2 მუხლის პირველი პუნქტის „მ“ ქვეპუნქტით განსაზღვრული სტატუსის მინიჭებამდე, გონივრულ ვადაში, მაგრამ არაუგვიანეს 2 საათისა ტენდერში წინადადების მიღების დასრულებამდე, სისტემის მოდულის შესაბამისი „კითხვა/პასუხის“ მეშვეობით აკეთებს შესაბამის დაზუსტებას/განმარტებას, რითაც შეიძლება იხელმძღვანელოს დაინტერესებულმა პირმა.

1.20. პრეტენდენტის მიერ დაზუსტებული ტექნიკური დოკუმენტაციის ასლების წარმოდგენა შემსყიდველ ორგანიზაციაში ხდება სისტემის მეშვეობით.

1.21. პრეტენდენტის მიერ ერთიან ელექტრონულ სისტემაში ატვირთული დოკუმენტაცია უნდა იყოს ხელმოწერილი უფლებამოსილი პირის მიერ და ბეჭდით დამოწმებული (ასეთის არსებობის შემთხვევაში).

1.22. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2. წარსადგენი დოკუმენტაციის ჩამონათვალი

2.1. პრეტენდენტის რეკვიზიტები;

2.2. სატენდერო წინადადების ფასი;

2.3. ინფორმაცია გასაწევი მომსახურების შესახებ;

2.4. ინფორმაცია ორგანიზაციის 2015 წლის ბრუნვის შესახებ (სატენდერო დოკუმენტაციის 1.7. პუნქტი);

2.5. დანართი #1 - ინფორმაცია ენერგეტიკის სექტორში - კერძოდ, ბუნებრივი გაზის ოპერაციებთან დაკავშირებულ საწარმოებში 2013-2015 წლების განმავლობაში ფინანსური აუდიტის გაწევის გამოცდილების შესახებ (სატენდერო დოკუმენტაციის 1.8. პუნქტი);

2.6. ინფორმაცია იმ თანამშრომლების შესახებ, რომელიც უშუალოდ იმუშავებენ აუდიტზე, მათ შორის, კომპანიის აუდიტისათვის პარტნიორი, მენეჯერი, უფროსი აუდიტორი (Senior) და მინიმუმ ორი სხვა თანამშრომელი. წარმოდგენილი უნდა იქნას მათი CV-ები, სერტიფიკატების შესახებ ინფორმაცია (სატენდერო დოკუმენტაციის 1.9. პუნქტი);

დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

ქეთევან შუბითიძე - შესყიდვების კოორდინატორი

ტელეფონი: (+995 32) 224 40 40 (611).

ხელშეკრულება:

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონულ ტენდერში გამარჯვებულ პრეტენდენტთან. პირობების დაზუსტება პრეტენდენტის სატენდერო წინადადების შესაბამისად.

სახელმწიფო შესყიდვის

ხელშეკრულება №

ქ. თბილისი

_____ 2016 წ.

ერთი მხრივ, შპს „საქართველოს გაზის ტრანსპორტირების კომპანია“ (შემდგომში – „შემსყიდველი“), წარმოდგენილი მისი გენერალური დირექტორის მოადგილის გიორგი პაპავას სახით, და მეორე მხრივ, _____ (შემდგომში – „მიმწოდებელი“), წარმოდგენილი მისი _____ სახით, ვხელმძღვანელობთ რა საქართველოში მოქმედი კანონმდებლობით, „შემსყიდველის“ მიერ გამოცხადებული ელექტრონული ტენდერისა (SPA -----) და „სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს „შემსყიდველის“ 2016 წლის ფინანსური ანგარიშგების აუდიტორული მომსახურების (CPV -----) (შემდგომში - „მომსახურება“) შესყიდვა.

მუხლი 2. მხარეთა უფლება-მოვალეობები

2.1. „მიმწოდებელი“ ვალდებულია:

2.1.1. გაუწიოს „შემსყიდველს“ ხელშეკრულებით გათვალისწინებული მომსახურება ხელშეკრულებით გათვალისწინებული ვადებისა და პირობების შესაბამისად;

2.1.2. მოამზადოს წლიური ფინანსური ანგარიშგების აუდიტი IFRS სტანდარტების შესაბამისად;

2.1.3. „მიმწოდებლის“ მიერ გაწეული მომსახურება უნდა მოიცავდეს „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის მოთხოვნებით აუდიტორის სხვა მოვალეობებს (მათ შორის, მმართველობით ანგარიშს და სხვა საქმიანობას), რაც უნდა შედიოდეს წლიური აუდიტის ფასში და არ იქნება ანაზღაურებული ცალკე;

2.1.4. მკაცრად დაიცვას აუდიტის სფეროში მოქმედი სტანდარტები და საყოველთაოდ აღიარებული ნორმები, დაიცვას „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის მოთხოვნები;

2.1.5. უზრუნველყოს შესაბამისი აუდიტორული დასკვნის მომზადება ქართულ და ინგლისურ ენებზე;

2.1.6. მოთხოვნის შემთხვევაში, წარუდგინოს „შემსყიდველს“ ინფორმაცია და ანგარიში გაწეული მომსახურების შესახებ;

2.1.7. ჩააყენოს საქმის კურსში „შემსყიდველი“ აუდიტის პროცესში გამოვლენილი გადახრებისა და უზუსტობების შესახებ;

2.1.8. „შემსყიდველის“ შემოწმებისას გამოიყენოს კანონიერი მეთოდები და საშუალებები და იხელმძღვანელოს მოქმედი კანონმდებლობით;

2.1.9. არ გაახმაუროს შემოწმების პროცესში მიღებული ინფორმაცია და მონაცემები, რომლებიც წარმოადგენენ კონფიდენციალური ხასიათის ინფორმაციას ან არის „შემსყიდველის“ კომერციული საიდუმლო. კონფიდენციალობის დაცვის ვალდებულება მოქმედებს წინამდებარე ხელშეკრულების მოქმედების პერიოდში და მისი დასრულებიდან 5 (ხუთი) წლის განმავლობაში;

2.1.10. ხელშეკრულებით გათვალისწინებული მომსახურების გაწევის შემდეგ, „შემსყიდველის“ მიერ ნაკლის ან ხარვეზის აღმოჩენის შემთხვევაში, უზრუნველყოს მისი აღმოფხვრა საკუთარი ხარჯით;

2.1.11. ხარისხიანად და ჯეროვნად შეასრულოს ხელშეკრულებით ნაკისრი ვალდებულებები.

2.2. „მიმწოდებელს“ უფლება აქვს:

2.2.1. მოსთხოვოს „შემსყიდველს“ წინამდებარე ხელშეკრულებით გათვალისწინებული მომსახურების ღირებულების გადახდა ხელშეკრულების პირობების შესაბამისად.

2.3. „შემსყიდველი“ ვალდებულია:

- 2.3.1. ხელშეკრულებით განსაზღვრულ ვადაში განახორციელოს წინამდებარე ხელშეკრულებით გათვალისწინებული მომსახურების ღირებულების გადახდა;
- 2.3.2. გადასცეს „მიმწოდებელს“ ყველა აუცილებელი დოკუმენტი, რომელთა ნუსხასაც წარუდგენს „მიმწოდებელი“ წერილობით მოთხოვნაში შემოწმების დაწყებამდე;
- 2.3.3. გამოყოს სამუშაო ადგილი „მიმწოდებლის“ თანამშრომლებისათვის საჭირო მოწყობილობით ამ სახის სამუშაოს ჩასატარებლად;
- 2.3.4. აუცილებლობის შემთხვევაში, უზრუნველყოს „მიმწოდებლის“ თანამშრომლებისათვის განმარტებების მიცემის დროს თავისი თანამშრომლების დასწრება;
- 2.3.5. ხარისხიანად და ჯეროვნად შეასრულოს ხელშეკრულებით ნაკისრი ვალდებულებები.
- 2.4. „შემსყიდველს“ უფლება აქვს:
- 2.4.1. „მიმწოდებლის“ მიერ გაწეული მომსახურების უხარისხობის აღმოჩენის შემთხვევაში, მოსთხოვოს მას აღმოჩენილი ხარვეზის დაუყოვნებლივ აღმოფხვრა საკუთარი ხარჯით.

მუხლი 3. მომსახურების გაწევის ვადები და მიღება-ჩაბარება

- 3.1. „მიმწოდებელი“ ვალდებულია აუდიტის ანგარიშის პირველადი ვერსია წარუდგინოს „შემსყიდველს“ არაუგვიანეს 2017 წლის 20 მარტისა, ხოლო აუდიტის ანგარიშის საბოლოო ვერსია - არაუგვიანეს 2017 წლის 25 მარტისა.
- 3.2. „მიმწოდებელმა“ შესაბამისი აუდიტორული დასკვნის მიწოდება უნდა განახორციელოს შემდეგ მისამართზე: ქ. თბილისი, კახეთის გზატკეცილი №21, მე-6 სართული.
- 3.3. მომსახურების გაწევის შესახებ მხარეები ადგენენ მიღება-ჩაბარების აქტს, რომელშიც მითითებული უნდა იყოს გაწეული მომსახურების ღირებულება.
- 3.4. „შემსყიდველი“ უფლებამოსილია უარი განაცხადოს უხარისხო ან „შემსყიდველის“ ინსპექტირების ჯგუფის მიერ დაწუნებული იმ მომსახურების მიღებაზე, რომელიც არ შეესაბამება წინამდებარე ხელშეკრულებით გათვალისწინებულ მოთხოვნებს.

მუხლი 4. ხელშეკრულების ფასი და ანგარიშსწორების წესი

- 4.1. მისაწოდებელი მომსახურების ჯამური ღირებულება შეადგენს _____
(_____) ლარს საქართველოს კანონმდებლობით გათვალისწინებული ყველა გადასახადისა და გადასახდელის ჩათვლით.
- 4.2. ანგარიშსწორება მხარეთა შორის ხორციელდება ეროვნულ ვალუტაში, უნაღდო ანგარიშსწორების წესით, „შემსყიდველის“ მიერ „მიმწოდებლის“ საბანკო ანგარიშზე თანხის გადარიცხვის გზით.
- 4.3. ანგარიშსწორება მოხდება „მიმწოდებლის“ მიერ სათანადო აუდიტორული დასკვნის „შემსყიდველისთვის“ გადაცემიდან, მხარეთა მიერ გაწეული მომსახურების შესახებ მიღება-ჩაბარების აქტის გაფორმებიდან და შესაბამისი საგადახდო დოკუმენტაციის წარდგენიდან 10 (ათი) სამუშაო დღის ვადაში.

მუხლი 5. მომსახურების ხარისხი

- 5.1. წინამდებარე ხელშეკრულების შესაბამისად გაწეული მომსახურების ხარისხი უნდა შეესაბამებოდეს ხელშეკრულებით გათვალისწინებულ პირობებს და აკმაყოფილებდეს ამ სფეროში დადგენილ სტანდარტებს და ტექნიკურ ნორმებს.

მუხლი 6. ხელშეკრულების ინსპექტირების პირობები

- 6.1. „მიმწოდებლის“ მიერ ხელშეკრულების პირობების შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.
- 6.2. „შემსყიდველი“ უფლებამოსილია, მომსახურების გაწევის დამადასტურებელი მიღება-ჩაბარების აქტის გაფორმებამდე ჩაატაროს ინსპექტირება მომსახურების ხელშეკრულებით გათვალისწინებულ მოთხოვნებთან შესაბამისობის დადგენის მიზნით.
- 6.3. ინსპექტირებისას გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“.

მუხლი 7. პასუხისმგებლობა და ხელშეკრულების პირობების შეუსრულებლობა

- 7.1. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

- 7.2. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება.
- 7.3. არაჯეროვანი მომსახურების გაწევის შედეგად „შემსყიდველისთვის“ ან მესამე მხარისთვის მიყენებული ნებისმიერი ზიანის ანაზღაურება ეკისრება „მიმწოდებელს“, გარდა იმ შემთხვევებისა, როდესაც მომსახურება ეყრდნობოდა „შემსყიდველის“ მიერ მიწოდებულ არასწორ ფაქტებს, დოკუმენტაციასა და მონაცემებს.
- 7.4. წარმოდგენილი საბუთების რეალობასა და ჭეშმარიტებაზე პასუხს აგებს „შემსყიდველი“.
- 7.5. „მიმწოდებელს“ ეკისრება ფინანსური პასუხისმგებლობა მისი ქმედით და/ან თავისი მოვალეობების არასათანადოდ ან/და არაჯეროვნად შესრულებით „შემსყიდველისადმი“ ფაქტობრივად მიყენებული ზარალის ანაზღაურებაზე.
- 7.6. „მიმწოდებელი“ პასუხს აგებს იმ ზიანისათვის, რომელიც „შემსყიდველს“ მიადგება „მიმწოდებლის“ მიერ გაწეული მომსახურების ან კონფიდენციალობის დარღვევის შედეგად. ამასთან, „მიმწოდებლის“ ქონებრივი პასუხისმგებლობის მოცულობა არ შეიძლება აღემატებოდეს მისი მიზეზით „შემსყიდველისადმი“ ფაქტობრივად მიყენებული ზარალის ოდენობას.
- 7.7. „მიმწოდებლის“ მიერ მომსახურების გაწევის დაყოვნების შემთხვევაში, „შემსყიდველი“ უფლებამოსილია დააკისროს მას პირგასამტეხლო ხელშეკრულების მთლიანი ღირებულების 0,1%-ის ოდენობით ყოველ ვადაგადაცილებულ დღეზე.
- 7.8. „შემსყიდველის“ მიერ წინამდებარე ხელშეკრულებით დადგენილ ვადებში გაწეული მომსახურების ღირებულების გადაუხდელობის შემთხვევაში „მიმწოდებელი“ უფლებამოსილია დააკისროს მას პირგასამტეხლო გადაუხდელი თანხის 0,1%-ის ოდენობით ყოველ ვადაგადაცილებულ დღეზე.
- 7.9. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, „შემსყიდველს“ უფლება აქვს შეწყვიტოს ხელშეკრულება.
- 7.10. საჯარიმო სანქციის გადახდა არ ათავისუფლებს მხარეებს ძირითადი ვალდებულებების შესრულებისგან.
- 7.11. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 7.12. ხელშეკრულებიდან ვადამდე გასვლასთან, ხელშეკრულების შეწყვეტასთან და ზიანის ანაზღაურებასთან დაკავშირებული საკითხები რეგულირდება წინამდებარე ხელშეკრულებითა და საქართველოს სამოქალაქო კოდექსით.

მუხლი 8. ხელშეკრულების პირობების გადასინჯვა

- 8.1. წინამდებარე ხელშეკრულებაში ნებისმიერი ცვლილებისა და დამატების განხორციელება შეიძლება მხოლოდ წერილობითი ფორმით, რაც უნდა დადასტურდეს მხარეთა უფლებამოსილი პირების ხელმოწერით და დაერთოს წინამდებარე ხელშეკრულებას, როგორც მისი განუყოფელი ნაწილი.
- 8.2. ხელშეკრულების ფასის შეცვლა დასაშვებია მხოლოდ საქართველოს სამოქალაქო კოდექსის 398-ე მუხლით განსაზღვრული გარემოებების არსებობისას და დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 9. ფორს-მაჟორი

- 9.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).
- 9.2. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.
- 9.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

9.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

მუხლი 10. ხელშეკრულების მოქმედების ვადა და შეწყვეტის პირობები

10.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 30 აპრილის ჩათვლით.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

10.3. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

10.4. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისთვის წერილობით შეტყობინების გაგზავნის საფუძველზე იმ შემთხვევაში, თუ ხელშეკრულების ერთ-ერთი მხარე სისტემატურად არღვევს წინამდებარე ხელშეკრულების პირობებს.

10.5. „შემსყიდველი“ უფლებამოსილია ცალმხრივად, ვადამდე მოშალოს ხელშეკრულება მისი მოქმედების ნებისმიერ ეტაპზე, მიმწოდებლისათვის 2 (ორი) კვირით ადრე გაგზავნილი წერილობითი შეტყობინების საფუძველზე.

10.6. მხარეთა მიერ ხელშეკრულების მოშლის სხვა საფუძვლები რეგულირდება საქართველოს კანონმდებლობით დადგენილი წესით.

მუხლი 11. დავის გადაწყვეტა

11.1. მხარეებს შორის წინამდებარე ხელშეკრულებიდან გამომდინარე რაიმე დავის ან აზრთა სხვადასხვაობის წარმოქმნისას, მხარეები შეეცდებიან გადაწყვიტონ დავა მოლაპარაკების გზით.

11.2. თუ გონივრულ ვადაში სადავო საკითხის გადაწყვეტა მოლაპარაკებით ვერ მოხერხდა, დავის გადაწყვეტა მოხდება საქართველოს საერთო სასამართლოში საქართველოს მოქმედი კანონმდებლობის შესაბამისად.

მუხლი 12. დასკვნითი დებულებები

12.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად, რომლებიც ინახება მხარეებთან.

12.2. წინამდებარე ხელშეკრულება და მასში გათვალისწინებული მხარეთა უფლება-მოვალეობები და ვალდებულებები რეგულირდება, განიმარტება და აღსრულებადია საქართველოს კანონმდებლობის შესაბამისად. წინამდებარე ხელშეკრულებით გაუთვალისწინებელ ურთიერთობებზე აგრეთვე ვრცელდება საქართველოს კანონმდებლობა.

12.3. ყველა შეტყობინება ამ ხელშეკრულებით ითვლება გაგზავნილად, თუ ის გაიგზავნა წერილობით ხელშეკრულებაში მითითებულ მხარის მისამართზე, ან ჩაბარდა მხარეს ხელზე.

12.4. მხარეებს უფლება არა აქვთ წინამდებარე ხელშეკრულებიდან გამომდინარე უფლებები და მოვალეობები გადასცენ მესამე პირს მეორე მხარის წინასწარი წერილობითი თანხმობის გარეშე.

12.5. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

12.6. ხელშეკრულების დანართები წარმოადგენენ მის განუყოფელ ნაწილს.

მუხლი 13. მხარეთა იურიდიული მისამართები და ხელმოწერები

„შემსყიდველი“ შპს „საქართველოს გაზის ტრანსპორტირების კომპანია“ მის.: ქ. თბილისი, კახეთის გზატკეცილი №21 ს/კ: 206103722 სს „საქართველოს ბანკი“ ბ/კ BAGAGE22 ა/ა GE15BG0000000175520100 გიორგი პაპავა გენერალური დირექტორის მოადგილე	„მიმწოდებელი“ _____ მის.: _____ ს/კ: _____ _____ ბ/კ _____ ა/ა _____ _____ დირექტორი
---	---

ინფორმაცია გამოცდილების შესახებ						
№	მომსახურების დასახელება	დამკვეთი	ხელშეკრულების ღირებულება	შესრულების პერიოდი	დამკვეთის საკონტაქტო პირი, ტელ.	SPA/CMR

ხელმოწერა და ბეჭედი-----
(მიმწოდებლის უფლებამოსილი პირის სახელი და გვარი)